



Motie no. 15
Fractie-MEP
Vtz OV# 8, dd. 14 nov. 2016
OLV # 849

PARLAMENTO DI ARUBA

STATEN VAN ARUBA
Ingek. 14 NOV 2016
Volgnr.: IS/232/16-17

Parlamento den reunion di 14 november 2016

Considerando cu

- Baby Lunah a nace cu e problema genetico Trisomia 18;
- Desde su nacemento su famia y e ta den un lucha constante pa su derecho di bida;
- Actualmente e ta wardando pa haya tratamento/operacion pa cu un problema di curazon;
- AZV no ta cubro esaki, y ta usa como argumento cu ta trata di un tratamiento experimental, mientras cu esaki ta den discusion;
- Es mas, desde cu a regresa bek di Colombia na April nunca mas baby Lunah a wordo controlá door di e kindercardioloog cu mensualmente ta bin for di Corsow pa controla muchanan cu problema di curazon na Aruba;
- Tin un peticion pendiente na AZV di mayornan di Baby Lunah, pa duna baby Lunah un chance na unda sí nan ta trata e muchanan cu e condicion aki;
- Den e areglo di AZV ta stipula cu pa casonan peculiar of menos comun, unda Colombia of Hulanda por ehempel no ta un opcion, por manda patiëntnan Merca. Sin embargo esaki tambe a wordo nenga ;
- Mayornan di Baby Lunah a sigi busca y a yega Merca riba nan mes forza y cu e respaldo di comunidad y otro paisnan. Nan no a bai ni Japon, Inglatera, Canada of Italia caminda tambe ta ofrece intervencionnan pa e muchanan aki, sino Merca, un pais cu AZV tambe ta traha cune;
- Asina mes entregando tur rapport y data recien, despues di evaluashon serca e profesor mundialmente conocí como e guru y experto total den T18/13 (mas cu 40 aña di experiencia y medical advisor pa e syndroom), caminda a keda probá cu tin chance pa Lunah, mirando cu e ta stabiel ainda y a yega asina lew compara cu otro muchanan cu e syndroom, ainda ta kies pa no sigui e consejonan di specialistanan experiencia cu si ta capaz y tin e boluntad pa yuda Baby Lunah;
- Estudionan recien a muestra cu esunnan cu yega asina lew y asina stabiel por biba mas largo y hiba un bida mihor si nan hanja e cuidu y intervencionnan necesario na tempo, 60% lo por hasta yega te 5 aña of mas;
- E specialistanan a manda no 1, sino 3 rapport caminda nan ta pone enfasis riba e posibilidadnan pa Baby Lunah, hunto cu hopi rapportnan over di intervencionnan medico cu awo ta brinda e muchanan cu e syndroom aki y cu ta y por ofrece nan un bida miho y mas largo;
- Tambe a menciona kiko ta e consecuencianan si Baby Lunah no hanja e chensnan cu nan kier brinda; morto prematuro, morto repentino, morto lento paso e problema di curazon lo cuminsa perjudica otro organonan y causa dañonan permanente;
- AZV a busca informacion for di Hulanda, caminda nan NO ta duna e muchanan aki un chance y tambe na Colombia caminda nan no tin e experiencia pa trata e problema di curazon serca e muchanan cu T18;
- Awor a menciona cu nan kier manda Baby Lunah Colombia SOLAMENTE pa evaluacion, siendo cu actualmente Baby Lunah y su mayornan ta na Merca serca specialistanan experiencia y cu por haci e mesun of mihor testnan pa wak ki rumbo mester bai pa trata e problema di curazon, ya cu nan tin e experticio y experiencia pa sa kiko mester tene cuenta cune y kiko ta e posibilidadnan.

- Mayornan ta cuestiona e decision aki, mirando cu con por acudi serca paisnan cu no tin e experiencia ni tampoco e boluntad pa trata e curazon serca e muchanan cu Edwards Syndroom, pa nan "experticio" of "evaluashon"
- Nenga Baby Lunah derecho riba tratamento ta viola su derechonan ratifica den "The Convention on The Rights of The Child", y ta parse mas bien basa cu enfasis riba e factor financiero, en bes di e derecho di Baby Lunah pa biba;
- Parlamento di Aruba ta di opinion cu no por kita for di bista e aspecto humano y cu nos mester hasi tur cos pa logra e mihor pa Baby Lunah.

TA DICIDI

Di instrui Gobierno di Aruba y AZV

- pa aproba y facilita tratamento, operacion y rehabilitacion di baby Lunah na Merca;
- pa adopta esaki como maneho pa tur caso similar na esun di Baby Lunah.

Y ta pasa pa orden di dia



The image contains four handwritten signatures in blue ink. The top-left signature is highly stylized and circular. The top-right signature is a long, sweeping horizontal stroke with a vertical line extending upwards. The bottom-left signature is a cursive word, possibly 'Doctad'. The bottom-right signature is a cursive word, possibly 'Aruba'.



MOTIE no. 15
Fractie - MEP
Vtz. OV # 8, d.d. 14 nov. 2016
OLV # 849.

STATEN VAN ARUBA

STEMMING

AGENDAPUNT: OLV tot vaststelling van de begrotingen van de ministeries van het
landbouw het dienstjaar 2017 (IS/1052/15-16, d.d. 31 aug. 2016) (Zij 2016-2017-849)
VERGADERING NO: 8 D.D. 17 nov. 2016

		VOOR	TEGEN
1.	drs. M.G. Wyatt-Ras		✓
2.	J.J. Arends-Reyes, B.Ed.		✓
3.	ing. C.G. Dammers		✓
4.	drs. G.R. Herdé		✓
5.	L.C. Jansen-Varlack		✓
6.	J.C.G.P. Kelly		✓
7.	D.R. Rasmijn, B.Sc.		✓
8.	N.C. Roos		✓
9.	A.M. Sneek		✓
10.	mr. D.G. de Sousa-Croes		✓
11.	M.A. Tromp		✓
12.	C.N. Velasquez		✓
13.	G.F. Besaril		—
14.	G.F. Croes	✓	
15.	D.P. Oduber, B.Esc	✓	
16.	C.V.J. Romero		—
17.	mr. X.J. Ruiz-Maduro	✓	
18.	mr. J.E. Thijsen	✓	
19.	mr. E.C. Wever-Croes	✓	
20.	mr. A.C.G. Bikker	✓	
21.	drs. M.J. Lopez-Tromp	✓	
	UITSLAG STEMMING	VOOR: 7	TEGEN: 12
HOOFDELIJKE STEMMING: <u>Met 7 stemmen voor en 12 stemmen</u> <u>tegen wordt motie 15 verworpen.</u>			